

Anastasia Mosnikoff:

## KUNNPEEIPUŽ

Le'jje källsast koumm pää'rn. Nuõrmõs leäi Kunnpeeipuž. Son leäi nu'vddem, što pâi kuuni se'st åårai. E'ččez see'st leäi ju'n puä'res. Ouddâl jää'mmem säärnai pärnees, son ku jaa'mež, tij õlggve'ted suu ääu'd â'lnn jie'lled juõ'kkkaž ekka.

Le'jje le'jje, de e'ččez jaa'mi. De pärna â'lğge tiõttlõs ee'jjez ääu'd â'lnn jie'lled, juõ'kkkaž jii'jjes vuâra. Puärrsumâs villj âlgg vuõssmõssân vue'lğged. Son ij juu'rd vue'lğged, ku mâka e'ččes pãrr suu. De Kunnpeeipu raauki jii'jjes ou'dde ee'jjes ääu'd â'lnn jie'lled. Na Kunnpeeipuž tiõttlõs, jeä'kkkääž ku šõõddi, vue'lji, mõõni tok, ko'st leäi e'ččes čiõkkum. Son åårai åårai, de kaggõõdi e'ččes, ceälkk: "Ton leäk puättam, ijgo villjad puättam?" "Ij puättam villjam. Villjam piiji muu jii'jjes ou'dde." "Na ku ij puättam, ij ni äâ'n." Tõ'st â'te e'ččes säärnai Kunnpeeipže: "Tok ku mõõnžik čårbeälla, to'ben liâ heäppaž, kãã'tt tuu ool k'icsteežž, tõt lij tu'ne." De čuu'kk veâl oudd su'ne: to'ben le'jje pihttãz, tie'ğğ, mõõk le'žže leäm.

Kunnpeeipuž mõõni tok heäppši sizz. De k'icsti õhtt heävaš suu ool, ča'ppes šolkkeävaš. Son vaa'ldi tõi.

Na, tõi'st kirggni de määusat vuõ'lji põrttses. Tä'vvrees ij vãlddam mie'l-des, tok-i kuõ'di, koogg leežž kuãddam čorru. De pue'di määust. Villjãs kããčč: "Na puõ'ttik, mãid eččam?" Kunnpeeipuž ceälkk: "Na mii lij jäämmam e'jstan, kãã'tt õ'htešt jäämm, tõt ij teänab kaggõõd." A villj juu'rđi, što Kunnpeeipuž ij puä'd määusat, ku



mõõnaž ee'jjes ärra.

De nu'bb jeä'kkää lij kōskklumâs viillj vuârr. Son še ij tuōst vue'lgged, pāi raauki Kunnpeeipu jii'jjes ou'dde. Na Kunnpeeipuž tiōttlōs, ku jeä'kkääž šōōdi, mõōni e'pet ee'jjes ääu'd ool. E'ččes leäi leäi, de kaggōōdi, e'pet ceälkk: "E'pet ton puō'ttiĳ. Ij-a kōskklumâs villjad puättam?" Kunnpeeipuž ceälkk: "Ij, muu vuōlttii ouddses." "Na ku ij puättam, de ij ni âân." Na e'ččes su'nne oudd čuu'kk e'pet, nu'tt še säärnai: "Tok mõōnžik heäppši sizz, kää'tt ĳicsteežž tuu ool, tōn i oōlgak vä'ldded."

Teä Kunnpeeipuž mõōni heäppši luzz, de ĳicsti suu ool ru'čĳĳes šolkkheävaš. Son vaa'ldi tōn. De tōid tä'vrees e'pet kuō'di tok, jičč pue'di määust. Villjâs e'pet kââčč: "Mâid eččam, ij liikkääm?" "Ij, mâid jäämmam eččam liikkad?"

De Kunnpeeipu vuârr puä'dšĳue'di. Kunnpeeipuž jääutai kōōččal viljstes: "Vue'lggved-a tuāna muu oudâst eččan ääu'd ool?" Jiā, suāna jiā vue'lj, de Kunnpeeipuž jičč vuâlgg jii'jjes vuāra.

Na mõōni. E'ččes kaggōōdi: "Nä'de puō'ttiĳ." "Joo, puō'ttem." E'ččes e'pet uu'di tä'vrid da säärnai nu'tt še: "Kää'tt heävaš ĳicsteežž tuu ool, tōn i oōlgak vä'ldded, hâ't määkam ĳicsteežž. Ko'lmmešt oōlgak sie'lj njaukstes."

Na Kunnpeeipuž mõōni heäppši ärra, de suu ool ĳicsti eman šōōdâm vi'lgges heäppažâalgaž. Son mõōni tōn âalga luzz de njauksti sie'lj. Äalgaž pä'žžlōōdi. Nu'bbešt ku njauksti, e'pet pä'žžlōōdi. Suu miōlâst čuäjtōōdi mâ'te šorri.



Kuälmeešt väldd de njaukast, heäppšaž ku pä'žžlâätt, očndōōdi äälles vi'lgges heävaš.

Na Kunnpeeipuž e'pet tä'vrees tok kuō'di, a jičč pue'di määusat nu'tt še mä'htt ouddâl.

Na viillj tiōttlōs kâ'čče su'st: "Mâid eččem, kaggōōdi avi ij?" "A mõōk liä jaamm e'jstan."

Le'jje le'jje de määtam vuāra kulšĳue'tte, što caarr peejj niōdâs nääkam oōl krii'lc ool. Kää'tt vuōi'tež tok njui'kkted heäppšin de caarr nijdd teä'ddal pječat kallu, tōn diōtt što määŋŋa pie'sse tobddâd.

Nä'de Kunnpeeipu viillj vuōlgglašĳue'tte ĳiččâd tok, što mä'htt to'ben oummu njooikte heäppšivui'm. Tok mâ'ne ĳiččâd jiānnai oummu. Kunnpeeipuž ceälkk: "Vä'ldde muu še tok ĳiččâd." Viillj ceä'ĳĳe: "Mâid ton to'ben tōi čōōlmäädvui'm? Pue'rmōs, što äärak tä'st." De jiā ni välddam suu, jiiij

vue'lgge kiččád.

Kunnpeeipuž mârŋa tō'st mōōni tok heäppšees árra, to'ben teävōōdi šiōgg pihtsi sizz, pōōzzi kiōppčōōlmees, šōōddi sami jee'res ooumaž. Teä vō'll'ji vuōssmōs ča'ppes heäppaž ool de tiárlōō'tti tok.

To'ben tiōttlōs oummu njooikte heäppšivui'm. Kunnpeeipuž tiárti tok še, njui'kkti pââjas, viōkk'kōōskâst pâ'jjen jällōōčči. Oummu e'ske hirmstō'vve: "Tō'st leäi heävaš!" Kunnpeeipuž tiōttlōs vä'stt tiárti tok, ko'st su'st le'jje tä'vver. Tōi'd pihtsees puk jä'hssli, tuâl'jōž pihtsees nââ'kkti vä'stt ouddâl ku viillj puä'tte määust. Son mâka ni mōōn tuâjast i'lla. De viillj puō'tte määust da mainste, mâi'd sij vuōi'ne, mä'htt oummu njooikte. Óoutâst leäi heävaš pue'rr, njui'kkti, viōkk'kōōskâst pâ'jjen jällōōčči, kii leežž leämmaš. Kunnpeeipuž ceälkk: "Jiōmgoson mon leämmaš?" Viillj ceä'lkke: "Ton da tōt sami mij čää'cckie'zztemheäppsaž!"

Na nu'bb pei'v e'pet čuōvni de viillj vuōlggleškue'tte kiččád. Kunnpeeipuž ceälkk: "Vä'ldded muu še!" Tuk jiä vää'ld, ceä'lkke: "Mâid ton to'ben oummi hiárvân?" Jiä ni välddam, jiiij vuō'lgge.


Na Kunnpeeipuž e'pet nu'tt še tuō'jii, mōōni tok, teävōōdi, ru'čkkes heäppaž ool vō'll'ji de tiárti tok, njui'kkti pââjas, simmnast ij kuásttâm caar niōđ árra. Oummu hirmstō'vve e'pet.

Kunnpeeipuž nu'tt-i mōōni, ij árstam, mōōni vä'stt, jähsslōōdi da ouddâl viilljees pō'rte mōōni. Teä viillj pue'tte mainnsivui'm: "To'b leäi ooumaž, simmnast ij caar niōđ räija kuásttâm. Tō'st leäi pue'rr heävaš." Kunnpeiibuž ceälkk: "Jiōmgoson mon leämmaš tōt?" "Sami muäna nu'vddem!"

Kuälmad pei'v e'pet vue'ljškue'tte kiččád. Viilljäs e'pet jiä välddam, jiiij mâ'ne. Kunnpeiibuž tō'st mâibeä'lnn teävōōdi, de vi'lgges heäppšes vaa'ldi, tiárlōō'tti. To'ben kiōčči vuämmše, što to'ben son puätt, tiárat vi'lgges heäppšin. Väldd da njui'kkat tok caar niōđ luzz. Caar nijdd pječat teä'dd-li kallu da re'ppič čōnsti tōn pječat ou'dde, što kuástče ij. Son pâi tiárlōō'tti määust.

Määust pue'di, nu'tt še e'pet jähsslōōdi de vuä'mm pihtsees nââ'kkti, pue'ttli päikksees ooudbeä'lnn viilljees. Nä'de viillj puä'tte, kâ'čče: "Mii tu'ne





kallu lij šōddâm?" Kunnpeeipuž ceälkk: "A jo'rrem čōōđ källan."

De måttam peeiv noorteškue'di caarr oummid, što keäst lij meârkk. De tok tiōttlōs mánne puk oummu, leáš-a i'lla ni keäst tōt pječat. Caarr kōōjttâall: "Veâl-a liâ ko'st-ne meädda oummu? Tuōđi lij ko'st-ne tōt oumaž!" De Kunnpeeipu viillj ceälkķe: "Mee'st ká'1 lij kuälmad villj pōörtâst, leáš-a tōn ij kannât tiirķ káččad, pâi lij ķiōppân da čōōđ källas veâl joori." Caarr ceälkk: "Puk tōk â'lgge káččad, måkam tât-ōs leäkkaz to'ben." De káčča Kunnpeeipu. Son puätt, su'st tiōttlōs ree'ppiķ lij čōnnum källast. Caar nijdd peä'stli ree'ppiķ, ee'ttli pječat. Nijdd ceälkk: "Tâ'lte tōt oumaž." De viillj hirmstō'vve: "Mii tât, mij sähssvillj lij leämmaš tōt!"

De caarâst šōōddi näimm tâ'lskâni. Kunnpeeipuž viižži to'ben heäppšees da tä'vvrees. Nu'tt-i vuäžžai caar niōđ kaavân.